

佛說十地經





佛說十地經卷第七

時

于闐三藏沙門尸羅達磨於北庭龍興寺

譯

菩薩善慧地第九

已說菩薩第八地

如來現大神通力

震動十方諸刹土

無量億數難思議

一切知見無上尊

其身普放大光明

照曜彼諸無量土

悉使有情獲安樂

菩薩無量百千億

俱時踊在虛空住



以過諸天上妙供  
大自在王自在天  
各以種種衆供具  
復有天女千萬億  
各奏音樂無量種  
是時衆樂同時奏  
悉以善逝威神力  
寂靜調柔無垢害

供養說中最勝者  
悉共同心喜無量  
供養甚深功德海  
身心歡喜悉充徧  
供養人天大導師  
百千萬億無量別  
演出妙音而讚歎  
隨所入地善修習



心如虛空徧十方  
天上人間一切處  
以從如來功德生  
不離一刹諸衆生  
音聲心念悉皆滅  
若有有情心下劣  
若心猛利樂獨覺  
廣說佛道悟羣迷  
悉現無等妙莊嚴  
令其見者樂佛智  
如月普現照世間  
譬如谷響無不應  
爲彼演說聲聞行  
則爲彼說中乘道



若有慈悲樂饒益

爲說菩薩所行事

若有最勝智慧心

則示如來無上法

譬如幻師作衆事

種種形相皆非實

菩薩智幻亦如是

雖現一切離有無

如是美音千萬種

歌讚佛已默然任

解脫月言今衆淨

願說第九地行道

尔時金剛藏菩薩告解脫月菩薩言



佛子若是菩薩以從如是無量功德  
智籌量慧復於上上寂滅解脫精勤  
思慕復更思察上上究竟智慧趣入  
如來祕密之門如理選擇不可思議  
智大我性淨治選擇諸陀羅尼三摩  
地門善能引發方廣神通善能徧覽  
世界差別瑩飭如來力無所畏不共  
佛法無映奪性於隨諸佛轉妙法輪



入雄特性不捨所得大悲加持證入  
菩薩第九智地菩薩安住於此地中  
如實了知諸善不善無記法行有漏  
無漏法行世間出世間法行可思議  
不可思議法行決定不決定法行聲  
聞獨覺法行菩薩行法行如來地法  
行有爲法行無爲法行皆如實知彼  
以如是隨智行慧如實了知諸有情



心近稠林行煩惱近稠林行業近稠林  
行根近稠林行勝解近稠林行種性  
近稠林行意樂隨眠近稠林行受生  
近稠林行習氣相續近稠林行三聚  
安立近稠林行皆如實知於是菩薩  
如實了知諸有情心種種之性謂心  
雜性心相速轉壞不壞性心無質性



心無邊際於一切處皆充足性心本  
淨性心有雜染無雜染性心縛解性  
心幻起性心隨諸趣現前住性乃至  
無量百千種種心差別性皆如實知  
又此菩薩了知煩惱遠隨行性於加  
行無邊性皆悉俱生不相離性隨眠  
與纏一處住性與心相應不相應性  
受生相續隨趣住性於三界中差別



之性渴愛無明及見箭鏃是意罪性  
三業因緣不斷絕性略說乃至八萬  
四千諸煩惱行差別之性皆如實知  
又此菩薩了知諸業善不善無記性  
有表無表性與心共生不相離性自  
相因壞積集不失果相續性有報無  
報性黑業白業黑白俱業不黑不白  
業受差別性業田無量性聖凡有情



業差別性現法主起後所受性於乘  
非乘定不定性乃至無量百千種種  
業差別性皆如實知

又此菩薩了知諸根輒中勝性前際  
後際有差別無差別性上中下性與  
煩惱共生不相離性於乘非乘定不  
定性已成熟未成熟性根網隨轉速



壞取相性由根增上無能摧壞性有  
退無退根差別性久遠隨行共生異  
性略要言之乃至無量百千根差別  
性皆如實知

又此菩薩了知勝解轉中勝性前際  
後際有差別無差別性上中下性與  
煩惱共生不相離性於乘非乘定不  
定性知已成熟未成熟性根網隨轉



速壞取相性由勝解增上無能摧壞  
性有退無退勝解差別性久遠隨行  
共生異性略要言之乃至無量百千  
種種勝解差別皆如實知

又此菩薩了知種性軟中勝性前際  
後際有差別無差別性上中下性與  
煩惱共生不相離性於乘非乘定不  
定性知已成熟未成熟性根網隨轉



速壞取相性由種性增上無能摧壞  
性有退無退種性差別性久遠隨行  
共生異性略要言之乃至無量百千  
種種種性差別皆如實知

又此菩薩了知意樂轉中勝性前際後  
際有差別無差別性上中下性與煩惱  
共生不相離性於乘非乘定不定性知



已成熟未成熟性根網隨轉速壞取  
相性由意樂增上無能摧壞性有退  
無退意樂差別性久遠隨行共生異  
性略要言之乃至無量百千種種意  
樂差別皆如實知

又此菩薩了知隨眠與意樂共生與  
心共生性與心相應及不相應不相  
離性久遠隨行性無始世來未曾吐



性以諸靜慮解脫等持等至神通難  
摧伏性能繫縛三界受生相續性從  
無始世心縛現行性處門集了別性  
得對治事實性佗處和會不和會性  
唯以聖道能吐出性皆如實知  
又此菩薩了知受生種種異性隨業  
受生性地獄傍生鬼阿素洛人天安  
立性有色無色受生性有想無想受



生性諸業爲田渴愛所潤無明闇覆  
識爲種子生後有芽性名色俱生不  
相離性於有愚癡渴愛希求續受生  
性欲愛欲生有情欣樂無始終性執  
受三界想牽出性皆如實知  
又此菩薩了知習氣行不行性隨趣  
相續處熏習性隨有情行所熏習性



隨業煩惱慣熏習性隨善不善無記  
法慣熏習性隨後有行熏習性隨次  
第熏習性遠隨行惑不斷不滅所熏  
習性實事體熏習性見聞親近聲聞  
獨覺菩薩如來熏習之性皆如實知  
又此菩薩如實了知諸有情聚正定  
邪定俱不定性由正見故墮正定性  
由邪見故墮邪定性此二俱離墮不



定性於五無間隨造一故墮邪定性  
由修五根墮正定性此二俱離墮不  
定性由習八邪墮邪定性由修八正  
墮正定性更無所作此二俱離墮不  
定性慳嫉無悲現行不息墮邪定性  
誨示無上聖道修習墮正定性此二  
俱離墮不定性如是一切皆如實知  
佛子菩薩隨順如是智已名住菩薩



善慧地中彼住菩薩善慧地時如是  
了知一切有情諸行差別如應授彼  
解脫方便善能了知有情成熟有情  
調伏善能演說聲聞乘法獨覺乘法  
菩薩乘法了知演說如來地法此菩  
薩知如是已爲令有情得如性故演  
說妙法隨其有情意樂差別隨眠差



別隨根差別隨勝解差別所行境分  
別種種現行慣習一切行處智隨行  
故隨順種性稠林行故隨煩惱業受  
生習氣永止息故隨聚安立而隨行  
故隨乘勝解得解脫故而爲說法佛  
子菩薩住此善慧地時作大法師常  
能守護如來法藏於是菩薩具法師  
行以無量智隨行善巧以諸菩薩四



無礙解所引音詞而演說法於此菩  
薩圓滿無雜四無礙解恒常隨轉何  
等爲四所謂法無礙解義無礙解詞  
無礙解辯說無礙解以法無礙解了  
知一切諸法自相以義無礙解了知一  
切諸法差別以詞無礙解善能無雜  
演說諸法以辯說無礙解能知諸法  
次第相續無間斷性復次以法無礙



解能知諸法無性之體以義無礙解  
如實了知諸法生滅以詞無礙解能  
隨一切法假安立能無間斷演說正  
法以辯說無礙解不壞諸法如所施  
設而能演說無邊法要  
復次以法無礙解了知現在諸法老  
別以義無礙解如應了知過去未來



諸法差別以詞無礙解於去來今無  
雜說法以辯說無礙解於一一世能  
以無邊法明說法

復次以法無礙解知法差別以義無  
礙解知義差別以詞無礙解隨諸言  
音演說正法以辯說無礙解隨意樂  
智演說法要  
復次以法無礙解依現法智了知差



別無雜善巧以義無礙解依於此智  
了知諸法如是性安以詞無礙解依  
世俗智顯示解釋以辯說無礙解依  
勝義智善能說法

復次以法無礙解知一理趣無毀壞  
性以義無礙解隨行趣入蘊界處諦  
緣起善巧以詞無礙解依諸世間易  
可解了美妙音詞文句演說以辯說



無礙解復依展轉無邊慧明如理解釋  
復次以法無礙解了知一乘入門差別  
以義無礙解知善分別諸乘差別  
以詞無礙解善能無雜演說諸乘以  
辯說無礙解一一各以無邊法明解釋  
復次以法無礙解能入一切諸菩薩  
行智行法行隨智而行以義無礙解



入釋十地安立差別以詞無礙解隨  
應無雜演說授與諸地之道以辯說  
無礙解二智地能以無邊行相解釋  
復次以法無礙解知一切佛一刹那  
頃成正等覺以義無礙解知種種時  
事相差別以詞無礙解如所正覺分  
別解釋而演說法以辯說無礙解一  
一法句無量劫中釋無窮盡



復次以法無礙解知諸佛語力無所  
畏不共佛法大慈大悲辯才加行轉  
大法輪一切智智隨順之行以義無  
礙解了知如來隨諸有情八萬四千  
行類差別隨其意樂隨根勝解所演  
音詞以詞無礙解爲諸有情隨行差  
別以佛音詞演說正法以辯說無礙  
解隨如來智清淨行輪勝解說法



佛子菩薩安住第九善慧地已成就  
如是無礙解智得佛法藏作大法師  
得具義陀羅尼具法陀羅尼具引發  
智陀羅尼具光照陀羅尼具善慧陀  
羅尼具衆財陀羅尼具威德陀羅尼  
具無礙門陀羅尼具無邊際陀羅尼  
具種種義陀羅尼獲如是等圓滿百



萬阿僧企耶諸陀羅尼仍以百萬阿  
僧企耶音支善巧及以若干無量辯  
才剖析之門爲佗說法而此菩薩以  
依如是無量百千阿僧企耶陀羅尼  
門無量佛所聽聞妙法聞已不忘而  
所聞法能以無量差別演說於一佛  
前悉以百萬阿僧企耶陀羅尼門領  
受正法如一佛前無量佛所亦復如



是然此菩薩以一禮頃於佛世尊正  
等覺前所領無量妙法明門彼得多  
聞聞持聲聞於百千劫不能領受即  
此菩薩成就如是諸陀羅尼得辯才  
已坐於法座徧滿三千大千世界隨  
其有情意樂差別而爲說法彼之法  
座最爲殊勝唯除諸佛及受灌頂上  
地菩薩其餘菩薩威德光明無能與



比而此菩薩處於法座隨自樂故以  
一音詞演說妙法能令大衆皆得解  
了或隨自欲以種種言詞音支剖析  
令諸大衆皆得開悟或隨自欲放大  
光明從此演出無量法門或隨自欲  
從其身上一一毛孔皆演法音或隨自  
欲於此三千大千世界所現色像從



此一切悉能演出妙法言音或隨自  
欲以一音詞周徧顯了一切法音或  
隨自欲加持一切所有音詞皆能令  
作微妙法音或隨自欲以從一切世  
界所屬歌詠樂聲皆演法音或隨自  
欲從一字音演出一切法差別音或  
隨自欲於不可說無量世界地水火  
風四大聚中所有微塵令一一塵皆悉



演出不可說法門假使千界所繫有情咸至其前於一剎那瞬息須臾二皆以無量言音而興問難二問難各各不同而此菩薩於一念頃彼諸言音隨句隨文悉能領受仍以一音普爲解釋令隨意樂各得歡喜假使二千或三千界或至不可說三千大千世界所繫一切有情一剎那間二各以無量



言音而興問難一一問難各各不同菩  
薩於一念頃悉能領受亦以一音普  
爲解釋令隨意樂各得歡喜乃至徧  
滿不可說不可說世界隨其有情意  
樂根解演說妙法得法講論求佛加  
持能轉法輪廣作佛事普爲有情作  
所依怙



復次而此菩薩更爲受持如是法明  
發此願言假使於一毛端處有不  
可說諸世界中微塵數佛各於若干  
衆會說法一如來亦爲若干有情隨  
心差別說法各隨一一有情意樂授與  
若干無量法門一如來衆會之中  
一切如來衆會亦尔如一毛端處一  
切法界中悉亦如是我等於中應發



如是無量念力如於一切諸如來所  
一切法明悉能領受菩薩住此善慧  
地中晝夜轉更無餘作意入佛境界  
親近如來逮得甚深菩薩解脫而此  
菩薩隨如是智常在定中現見諸佛  
未曾暫捨二劫中見無量佛無量百  
佛無量千佛無量百千佛無量百千  
那庾多佛無量俱胝佛無量百俱胝



佛無量千俱胝佛無量百千俱胝佛  
乃至無量百千俱胝那庾多佛常以  
微妙供養之具供養承事於諸佛所  
種種啓問得法總持復能演說於是  
菩薩此諸善根轉更明淨不可映奪  
佛子譬如善巧金師以所鍊金作莊  
嚴具善瑩終畢轉輪聖王以嚴其首



或置頸下其餘一切諸粟散王及四  
洲內一切臣民莊嚴之具無與等者  
佛子菩薩住此善慧地中此諸善根  
亦復如是此以一切聲聞獨覺并住  
下地一切菩薩所不能及又此菩薩  
善根光明悉能照曜有情煩惱心等  
稠林從此迴轉佛子譬如二千界主  
大梵天王身出光明二千界中稠林



幽邃悉能照曜菩薩住此善慧地時  
善根光明亦復如是照曜有情心及  
煩惱稠林等已從此迴轉於彼十種  
波羅蜜多力到彼岸而爲增上餘到  
彼岸隨力隨分非不修行佛子是名  
略說菩薩第九善慧智地若廣說者  
於無量劫說不能盡此地菩薩受生  
多作大梵天王具大威勢王二千界



最爲殊勝無所映蔽善見利益得大  
自在能爲有情演說聲聞獨覺菩薩  
到彼岸行有情意樂問答之處無能  
屈者諸所作業或以布施或以愛語  
或以利行或以同事此等一切悉皆  
不離佛作意法作意僧伽作意菩薩  
作意菩薩行作意到彼岸作意諸地



作意佛力作意無所畏作意不共佛  
法作意乃至不離一切行相勝妙相  
應一切智智作意常作願言我當一  
切諸有情中爲首爲勝爲殊勝爲妙  
爲微妙爲上爲無上爲導爲將爲師  
乃至願得一切智智所依止處若樂  
發起如是精進由是精進於一刹那  
瞬息須臾得滿百萬阿僧企耶佛刹



微塵數諸三摩地能見百萬阿僧企  
耶佛刹微塵數佛彼佛加持皆能解  
了能動百萬阿僧企耶佛刹微塵數  
世界能往百萬阿僧企耶佛刹微塵  
數諸佛國土能照百萬阿僧企耶佛  
刹微塵數世界成熟百萬阿僧企耶  
佛刹微塵數有情住壽百萬阿僧企  
耶佛刹微塵數劫於前後際各入百



萬阿僧企耶佛刹微塵數劫思擇  
百萬阿僧企耶佛刹微塵數法門示  
現百萬阿僧企耶佛刹微塵數身身  
身皆能示現百萬阿僧企耶佛刹微  
塵數等菩薩眷屬圍遶從此以上是  
諸菩薩有願力者由勝願故所有遊  
戲或身或光明或神通或眼或境界



或音聲或行或莊嚴或勝解或所作  
此等乃至余所百千俱胝那更多劫  
不易可數余時金剛藏菩薩欲重宣  
此義而說頌言

於前無量甚深智

不樂趣求勝解脫

觀佛智入佛祕密

選擇妙智不思議

淨治總持等持門

獲大神通入衆剎

修力無畏不共法

順大悲入第九地



菩薩住斯善慧地  
有漏無漏世出世  
若法決定不決定  
有爲無爲行差別  
則能解了有情心  
種性意樂并隨眠  
知心種種速轉性  
煩惱無邊互相生

了善不善及無記  
思不思議悉善知  
三乘所行及佛地  
如是而知入世間  
煩惱業報及勝解  
受生習氣聚稠林  
無質無邊等衆相  
眠纏共處續諸趣



十地經卷第七

第十六

時字

業性種種各差別  
諸根種種下中上  
勝解種性及意樂  
隨眠常惑有情見  
與意樂俱心並生  
但唯妄想無實體  
雖修定等猶難遣

因壞果集皆了知  
前後際等無量別  
皆亦如是靡不知  
無始稠林未除翦  
常相羈繫不斷絕  
不離於心無處所  
唯金剛道方能滅



六趣受生各差別  
識爲種子名色牙  
集趣行業煩惱習  
羣生悉在三聚中  
此地菩薩善觀察  
悉以無礙妙辯才  
處於法座如師子  
又如龍王布密雲

業田愛潤無明覆  
三界無始恒相續  
漸次復生不離惑  
或溺於見或行道  
隨其意樂及根解  
如應差別爲說法  
亦如牛王寶山王  
霍大甘雨充巨海



善知法相及奧義

隨順言詞能辯說

總持百萬阿僧祇

譬如大海受衆雨

總持等持皆清淨

能於一念見多佛

一一佛所皆聞法

復以妙音而演暢

隨欲三千大千界

教化一切諸羣生

如雲廣布無不及

隨其根欲悉令喜

十方無量諸有情

咸來親近會中坐

一念隨心各問難

一音普對悉充足



毛端佛衆無有數

有情意樂亦無窮

悉應其心與法門

一切法界皆如是

菩薩勤加精進力

復獲功德轉增勝

聞持字所諸法門

如地能持一切種

住此紹法太子位

隨機誨誘無厭倦

日夜見佛未曾捨

入深寂滅智解脫

供養諸佛善益明

如王頂上妙金飭



復使有情滅煩惱

譬如梵王光普照

住此多作大梵王

以三乘法化有情

所行善業普饒益

乃至當成一切智

一念能入於百萬

阿僧祇剎塵數定

見佛等事亦復然

願力所作猶過是

此是第九善慧地

大智菩薩所行處

甚深微妙難可見

我爲佛子已略說

菩薩善慧地第九竟



佛說十地經第七

十地經卷第七







佛說十地經卷第八

時

于闐三藏沙門尸羅達磨於北庭龍興寺譯

菩薩法雲地第十

淨居天衆那庾多

聞此地中之勝行

空中踊躍心歡喜

悉共虔誠供養佛

不可思議菩薩衆

亦在空中大歡喜

俱然最上悅意香

普薰衆會令清淨

自在天王與天衆

無量億數在虛空



普散天衣供養佛  
天諸綵女無有量  
各奏種種妙樂音  
如來安坐一刹土  
身相端嚴無量億  
於一毛孔放光明  
國土微塵可知數  
或現如來具衆相

百千萬種繽紛下  
靡不歡喜供養佛  
悉以此言而讚歎  
一切世界悉現身  
法界廣大悉充滿  
普滅世間煩惱闇  
此光明數不可識  
轉於無上正法輪



或現遊行諸佛刹  
或現住於喜足宮  
或示住胎或出胎  
或現出家修世道  
或現說法或涅槃  
譬如幻師知幻術  
如來智慧亦復然

或現寂然安不動  
或現下生入母胎  
悉令無量國中現  
或現道場成正覺  
普使十方無不覩  
在於大衆多所作  
於世間中普現身



佛住甚深真法性  
而於第一實義中  
所住利益有情事  
相與無相無差別  
若有欲證如來智  
有無通達皆平等  
無量無邊天女衆

寂滅無相同虛空  
示現種種所行事  
皆依法性而得有  
入於究竟皆無相  
應離一切妄分別  
疾作人天大導師  
種種言音稱讚已



身心寂靜共安樂

瞻仰如來默然住

即時菩薩解脫月

知諸衆會咸寂靜

白金剛藏而請言

大無畏者真佛子

從第九地入第十

所有功德諸行相

及以神通變化事

願為慧者今宣說

尔時金剛藏菩薩告解脫月菩薩言

佛子若是菩薩以於如是無量所知

能觀察慧乃至菩薩第九地終善選



決擇善備白法善集無邊資糧之集  
已善攝受廣大福智已證無量大慈  
大悲了知世界剖析差別已入有情  
界稠林行以想作意順入佛境緣力  
無畏不共佛法名爲已至於一切種  
一切智智受灌頂地佛子即此菩薩  
已能隨順如是智行預於菩薩灌頂  
位者得名無垢大三摩地而現在前



名法界剖析差別三摩地名莊嚴菩  
提道場三摩地名一切種光華三摩  
地名海藏莊嚴三摩地名海印三摩  
地名虛空界廣大三摩地名選擇一  
切法自性三摩地名隨一切有情心  
行三摩地名現在一切諸佛現前住  
三摩地而現在前然此菩薩如是上



首百萬阿僧企耶諸三摩地皆現在  
前菩薩於此諸三摩地出入自在於  
三摩地得善巧已乃至現受一切等  
持所作事業而此菩薩乃至百萬阿  
僧企耶三摩地後名一切智智殊勝  
灌頂大三摩地而現在前此三摩地  
纔現前時有大寶王蓮華出現其華  
量等百萬三千大千世界以衆妙寶



問錯莊嚴超過一切世間境界出世  
善根之所生起如幻自性境界所成  
依善成立法界影現非諸天處之所  
能有摩訶吠瑠璃摩尼寶爲莊無比  
旃檀王以爲其臺碼碯爲鬚閻浮檀  
金爲菜無量光明以衆名華之所是  
耀一切妙寶廁填其藏以無邊際寶  
網彌覆以滿百萬三千大千世界微



塵數蓮華而爲眷屬。爾時菩薩身相殊妙。與其蓮華正等相稱。即此菩薩一切智智殊勝灌頂大三摩地。現在前。故示坐寶王蓮華座上。菩薩適坐於此座。已其大寶王蓮華妙座。所有若干蓮華眷屬。亦有尔所菩薩眷屬來坐其上。周帀圍遶。此大菩薩恭敬。



瞻仰大菩薩身一一菩薩各得百萬  
諸三摩地是大菩薩并其眷屬一切  
菩薩適入定時一切世界咸大震動  
一切惡趣皆悉休息光明徧照一切  
法界一切世界周徧嚴淨諸佛剎中  
所有言音此皆得聞所有的一切同行  
菩薩靡不來集一切世間人天音樂  
同時發聲一切有情悉得安樂一切



諸佛正等覺前不可思議供養承事  
同時而轉十方一切諸佛衆會皆有  
證知所以者何佛子菩薩適坐此大  
寶王蓮華座已從兩足下放百萬阿  
僧企耶光明普照十方下至無間大  
捺洛迦除滅其苦從兩膝輪放百萬  
阿僧企耶光明普照十方諸傍生趣  
除滅其苦從脅輪中放百萬阿僧企



耶光明普照十方諸琰魔界除滅其  
苦從左右脇放百萬阿僧企耶光明  
普照十方一切人身除滅其苦從兩  
手掌放百萬阿僧企耶光明普照十  
方一切諸天及阿素洛所居宮殿從  
兩肩上放百萬阿僧企耶光明普照  
十方諸聲聞衆從其項背放百萬阿



僧企耶光明普照十方諸獨覺身從  
其面門放百萬阿僧企耶光明普照  
十方從初發心乃至九地一切菩薩  
從白毫相放百萬阿僧企耶光明於  
十方界隱蔽一切諸魔宮殿并照十  
方得灌頂位諸大菩薩照已而住從  
其頂上放滿百萬阿僧企耶三千大  
千世界微塵數光明普照十方一切



諸佛道場衆會右遶十種諸世間已  
住虛空中成就廣大光明網輪於諸  
佛前轉大供養名熾然光耀從初發  
心乃至九地所轉無量諸佛供養而  
比於此百倍不及一千倍百千倍俱  
胝倍百俱胝倍千俱胝倍百千俱胝  
倍百千俱胝那庾多倍不及其一筭  
計譬喻乃至鄔波尼殺曇分所不能



十地經卷第八

第六時

及從其廣大光明網輪雨衆妙香燒  
香塗香鉢香華鬘衣服幢幡寶蓋寶  
瓔珞摩尼寶等莊嚴之具猶如大雲  
降霑大雨此諸一切超過其餘世間  
所有皆從出世增上善根力所生起  
普及十方一一如來衆會之前以爲  
供養一切諸佛若諸有情覺知如是



大供養者此等一切皆於無上正等  
菩提得不退轉是諸光明已轉如是  
供養事畢已照一切如來衆會已徧  
右遶十種世間從諸如來足下而入  
尔時諸佛及諸菩薩尋即了知於某  
世界某大菩薩成就如是廣大正行  
到灌頂位佛子是時十方無量無邊  
乃至九地諸菩薩衆皆來圍遶設大



供養一切瞻仰此菩薩時各獲百萬  
諸三摩地當尔之時十方所有已受  
灌頂諸大菩薩彼悉皆於金剛莊嚴  
臆德相中出一大光明名能摧伏一  
切魔悉百萬阿僧企耶光明以爲眷  
屬普照十方現於無量神通變化作  
是事已入此菩薩金剛莊嚴臆德相  
中其光入已令此菩薩智慧威勢增



長比前過百千倍

佛子。尔時十方一切諸佛如來應供

正徧等覺皆從眉間白毫相中出大

光明名具一切智性神通無數光明

以爲眷屬其光普照十方無餘一切

世界。右遶十種一切世間顯示如來

廣大遊戲開悟無量百千俱胝那庾



多諸菩薩衆一切佛刹六種震動止  
息一切諸險惡趣死生輪轉隱蔽一  
切諸魔宮殿普示一切如來成道正  
覺之座顯示一切諸佛衆會莊嚴威  
德普徧照耀極於法界盡虛空性諸  
世界已時大光明還來至此一切菩  
薩衆會之上周匝圍遶顯示廣大莊  
嚴事畢從大菩薩頂上而入其眷屬



光明亦各入彼諸來會坐菩薩頂上  
光入之時彼諸菩薩各得百萬先所  
未得諸三摩地是諸光明俱時入此  
菩薩頂已則得名爲於佛境界已受  
灌頂若滿十力則墮正徧等正覺數  
佛子譬如轉輪聖王太子正后所生  
具足王相其轉輪王令此太子坐白  
象寶妙金之座張大網幔建大幢幡



華蓋衣服然香散華糝香華鬘奏諸  
音樂令取四洲四大海水置金瓶內  
轉輪聖王手自執瓶灌太子頂纔灌  
頂已則墮灌頂刹刹王數若轉具足  
十善業道而乃得名轉輪聖王佛子  
菩薩亦復如是纔從諸佛得灌頂已  
名爲已受智水灌頂若滿十力則墮



正徧等正覺數佛子是名菩薩大乘  
灌頂爲此灌頂菩薩發起無量百千  
難行之行菩薩如是受灌頂已增長  
無量智慧功德名爲安住法雲地中  
佛子菩薩住此法雲地時知欲界集  
色界集無色界集有情界集識界集  
有爲界集無爲界集虛空界集法界  
集涅槃界集皆如實知了知見行煩



惱之集世界成壞集聲聞行集獨覺  
行集菩薩行集佛力無畏不共佛法  
色身法身集以一切種一切智智集  
示成正覺轉大法輪入滅度集入一  
切法分別顯了集舉要言之以一切  
種一切智智集皆如實知又此菩薩  
以依如是隨智行慧漸更了知有情  
變化業煩惱變化見行變化世界變



化法界變化聲聞變化獨覺變化菩薩變化如來變化於諸一切變化差別無分別性皆如實知

又此菩薩知佛加持法加持僧伽加持業加持煩惱加持時分加持願加持供養加持正行加持劫加持智加持皆如實知



又此菩薩了知諸佛正等覺者入微  
細智所謂或入行微細智或入降下  
受生微細智或入生微細智或入遊  
戲微細智或入出家微細智或入成  
正覺微細智或入轉法輪微細智或  
入加持等量微細智或入涅槃微細  
智或入法住微細智此之一切皆如  
實知



又此菩薩了知佛正等覺者所有一切秘密之處所謂或身秘密或語秘密或心秘密或時非時籌量秘密或授菩薩記別秘密或攝摧伏有情秘密或乘種種差別秘密或有情根差別秘密或入諸業作用秘密時有情根成道覺悟自性秘密此之一切皆如實知



又此菩薩了知諸佛所有一切趣入  
劫智所謂或時一劫入無數劫或無  
數劫入於一劫或有數劫入無數劫  
或無數劫入有數劫或剎那入劫劫  
入剎那或劫入非劫非劫入劫或有  
佛劫入無佛劫無佛之劫入有佛劫  
或入無佛剎或入有佛剎或過去劫



入未來現在現在劫入過去未來未  
來劫入過去現在或長劫入短劫短  
劫入長劫或短劫入非短劫非短劫  
入短劫一切劫中入想所作此之一  
切皆如實知

又此菩薩了知諸佛正等覺者所有  
入智所謂或入愚道智或入微塵智  
或入剎土身正覺智或入有情身心



正覺智或入一切處隨順正覺智或  
入示現亂行智或入示現順行智或  
入示現逆行智或入示現思議不思  
議世間可了不可了行智或入示現  
聲聞所知獨覺所知菩薩所知如來  
所知行智此之一切皆如實知佛子  
諸佛如來智廣無量於此地中菩薩  
入智亦無有量



佛子復次菩薩如是隨順此地之行  
逮得菩薩不可思議解脫無障礙解  
脫清淨決擇解脫普門顯發解脫如  
來藏解脫隨順無礙輪解脫隨三世  
行解脫法界藏解脫解脫輪光耀解  
脫無餘境界解脫佛子菩薩安住於  
此第十法雲地中此十解脫而爲上



首逮得無量無數百千諸解脫門如是逮得乃至無量無數百千諸三摩地無量無數百千陀羅尼逮得無量無數百千神通引發佛子此菩薩成就如是隨智行慧隨順無量善巧念力十方無量諸佛如來所有無量大力光明大法照耀大法之雲此一刹那瞬息須臾皆能堪任咸能領納悉



能攝受普能任持佛子譬如娑伽羅  
雲注大水聚此除大海餘地方所不  
能堪任領納不能攝受不能任持諸  
佛所有入佛祕藏所謂大法光明大  
法照曜大法之雲此諸有情諸聲聞  
衆一切獨覺并從初地至第九地一  
切菩薩不能堪任不能領納不能攝  
受不能任持亦復如是菩薩住此法



雲地中此之一切皆能堪任咸能領  
納悉能攝受普能任持佛子譬如大  
海一大龍王所注大雨皆能堪任皆  
能領納悉能攝受普能任持若二若  
三乃至無量諸大龍王同一剎那瞬  
息須臾所注大雨皆能堪任咸能領  
納悉能攝受普能任持所以者何大



海無量縱廣寬故佛子菩薩住此法  
雲地中亦復如是於一佛前無量法  
明法照法雲剎那瞬息須臾皆能堪  
任領納攝受任持若二若三乃至無  
量諸如來前無量法明法照法雲剎  
那瞬息須臾皆能堪任領納攝受任  
持是故此地名爲法雲  
解脫月菩薩言唯佛子豈能筭數此



地菩薩於剎那頃瞬息須臾能幾佛  
所堪任領納攝受任持大法光明大  
法照曜大法雲邪金剛藏菩薩言佛  
子不可以筭數宣說此事此地菩薩  
能於若干諸如來所於剎那頃瞬息  
須臾堪能領納攝受任持大法光明  
大法照曜大法之雲然爲仁者當說  
譬喻佛子譬如十方百萬俱胝那庾



多不可說佛刹微塵等諸世界中所  
有無餘諸有情界其中設有隨一有  
情已得最上聞持總持爲佛侍者聲  
聞衆中多聞上首猶如金剛蓮華上  
佛如來應供正等覺所大勝苾芻此  
一有情設得成就如是多聞善巧力  
持如一有情於彼無餘諸世界中一



切有情設亦成就如是多聞陀羅尼  
力然一有情所受之法餘不重受佛  
子於意云何彼諸有情多聞善巧寧  
無量不解脫月菩薩言佛子彼諸有情  
多聞善巧甚多無量金剛藏菩薩言  
佛子今當告汝令得解了菩薩安住  
於法雲地於一佛所一剎那頃所住  
所領所攝所持名三世法界藏大法



光明法照法雲比此大法光明照雲住  
持善巧於前衆所世界有情多聞善  
巧百倍不及一千倍百千倍俱胝倍  
百俱胝倍千俱胝倍百千俱胝倍百  
千俱胝那庾多倍不及其一筭計譬  
喻乃至鄔波尼殺曇所不能及如一  
佛所如是十方如前所說諸世界中  
所有若干微塵之數衆所如來正等



覺所復過此數無量無邊諸如來所  
所有三世法界藏大法光明法照法  
雲此等皆能一剎那項瞬息須臾堪  
任領納攝受住持是故此地名爲法雲  
復次佛子菩薩安住法雲地已從此  
願力起大悲雲震大法雷神通無畏  
電光暉昱大光明風迅轉遐布以大



福智厚霧彌覆現種種身變變旋還  
發大法吼駭感魔軍於一刹那瞬息  
須臾普徧十方於前所說諸世界中  
微塵數等復過此數普覆無量百千  
俱胝那庾多世界澍大無比甘露法  
雨殒息有情無知所起衆惑塵燄令  
隨意樂善根稼穡增長成熟是故此  
地名爲法雲



復次佛子菩薩住此法雲地中於一  
世界處覩史多天宮爲首降下入胎  
住生出家成道受請轉大法輪歸大  
涅槃隨所應度有情意樂示現種種  
一切佛事若二若三乃至如上諸世  
界中所有微塵復過此數無量百千  
俱胝那庾多諸世界中處覩史多天  
宮爲首乃至示入大般涅槃隨所應



度有情意樂示現種種一切佛事菩薩如是得智自在極善決擇大智神通隨自心欲能以狹小世界示現寬廣寬廣世界示現狹小復隨心欲雜染世界示爲清淨清淨世界示爲雜染如是廣大無量麤細亂住正住覆仰住等一切世界自在力故皆能引



發彼彼示現或此菩薩隨其心欲於  
一塵中置一世界周徧乃至輪圍山  
際微塵不增世界不減然彼作用悉  
令顯現或復於一微塵之中置二置  
三四五乃至不可說世界一一世界  
皆悉周徧各各乃至輪圍山際而彼  
微塵體相如本於中世界悉得明現  
或隨心欲於一世界中示二世界莊



嚴之事乃至示現於不可說世界莊  
嚴或隨心欲能以一世界莊嚴之事  
示二世界中乃至示現於不可說諸  
世界中復隨樂欲乃至於不可說諸  
世界中所有有情此之一切悉能示  
現於一世界而於有情無所逼惱復  
隨樂欲一世界中所有若干諸有情  
界此之示現於不可說諸世界中而



於有情無所逼惱復隨意欲於一毛  
道示現一佛境界莊嚴乃至示現於  
不可說一切諸佛境界莊嚴復隨心  
欲於一剎那瞬息須臾化不可說諸  
世界中微塵數身於一一身示現若  
千微塵數手以此諸手慇懃供養十  
方諸佛以一一手各持殑伽沙數華



盞以散諸佛香篋華鬘塗香末香衣  
服寶蓋幢幡一切諸莊嚴具皆亦如  
是於一一身復示尔所微塵數頭一  
一頭中加持尔所微塵數舌以此諸  
舌稱讚十方諸佛功德復於一一心  
念之間徧歷十方於心念頃普徧十  
方示成正覺乃至涅槃加持國土莊  
嚴之事於三世中示無量身或於自



身示有無量諸佛卅尊無量無邊佛  
刹莊嚴於自身中能示一切卅界成  
壞從一毛孔隨欲引出一切風輪而  
於有情無所惱害復隨心欲無邊卅  
界示一大海此海水中現大蓮華其  
光嚴飾徧滿無量無邊卅界於中示  
現大菩提樹莊嚴之事乃至示成以  
一切種勝妙相應一切智性或於自



身現十方界一切光明摩尼寶珠日月星宿雲電等光靡不皆現以口噓氣能動十方無量世界而不令彼有情驚怖復現十方風災火災及以水災隨意隨欲悉能加持一切有情色身嚴好或自身中示現佛身或佛身中示現自身或佛身中現已剎土或



已刹土示現佛身佛子菩薩安住法  
雲地已能現如是及餘無量百千俱  
胝那庾多數神變遊戲

十地經卷第八



佛說十地經卷第九

時

于闐三藏沙門尸羅達磨於北庭龍興寺譯

菩薩法雲地之餘

今時會中一類菩薩天龍藥叉健達  
縛阿素洛揭路荼緊捺洛牟呼洛伽  
釋梵護世摩醯首羅淨居天衆各起  
是念若時菩薩神通行相智力境界  
如是無量佛復云何今時解脫月菩



薩知諸衆會心所念已白金剛藏菩  
薩言佛子今此大衆聞其菩薩神通  
智力墮在疑網善哉仁者爲斷彼疑  
當少示現菩薩神變莊嚴之事今時  
金剛藏菩薩即入示現一切佛剎體  
往菩薩三摩地時金剛藏菩提薩埵  
入此示現一切佛剎體性菩薩三摩  
地已時彼一切天龍藥叉健達縛阿



素洛釋梵護世摩醯首羅淨居天衆  
皆見自身在金剛藏菩薩身內於中  
復見成佛刹土於其刹中所有種種  
行相莊嚴彼經滿足俱胝大劫說不  
能盡又即於中見菩提樹其身周圍  
量等百萬三千世界枝條琴儺高廣  
無量垂蔭圓滿俱胝三千大千世界



稱樹形量有師子座其上見佛號一  
切神通慧王如來坐在樹下菩提道  
場如是於中所現種種妙莊嚴事設  
使圓滿俱胝大劫說不能盡時金剛  
藏菩提薩埵示現如是大神變已還  
令一切菩薩衆會一切天龍藥叉健  
達縛阿素洛揭路荼緊捺洛牟呼洛



伽釋梵護世摩醯首羅淨居天衆各  
在本處時諸大衆生未曾有希奇之  
想默然而住向金剛藏菩薩埵一  
心瞻仰

今時解脫月菩薩白金剛藏菩薩言  
佛子甚奇希有此三摩地具足今所  
威力莊嚴佛子此三摩地名爲何等  
金剛藏菩薩言此三摩地名爲示現



一切佛刹體性解脫月菩薩問言佛  
子此三摩地所行境界莊嚴云何金  
剛藏菩薩答言佛子菩薩修此三摩  
地故能示身中如上所見殑伽沙數  
世界微塵等諸佛刹土復過此數示  
現身中如上所見無量刹土佛子菩  
薩住此法雲地中獲如是等無量百  
千諸三摩地由是義故餘諸菩薩乃



至已得法太子位安住菩薩善慧地  
者不能測知此地菩薩身或身業語  
或語業意或意業神通自在觀察三  
世諸三摩地所行隨入智慧境界遊  
戲一切諸解脫門不能測知諸變化  
業或加持業或威力業略要言之乃  
至已得法太子位已住菩薩善慧地



中諸菩薩衆不能測知此地菩薩乃至舉足下足之業佛子此菩薩法雲地如是無量但以略說若廣說者假使百千阿僧企耶劫中演說亦不能盡解脫月菩薩言佛子若於此中菩薩正行境界加持如是無量如來所行境界證入其復云何金剛藏菩薩言佛子譬如有人於四洲界取一砂



礫或二或三大如棗核而作是言爲  
於無邊諸世界中地界土多爲此多  
邪我觀汝問亦復如是如來應供正  
徧等覺無量智者無比法性云何汝  
今以與諸菩薩法性比量然善男子  
如從四洲世界地分所取砂礫此謂  
極少餘誠無量佛子即此菩薩法雲  
智地亦復如是設於無量劫中演說



但能說其一分之義況如來地佛子  
我今告汝令汝解了如來世尊坐在  
我前爲我作證佛子假使十方於一  
一方各有無邊世界微塵諸佛剎土  
一一剎土得如是地菩薩充滿如甘蔗  
竹葦稻麻藁林彼諸菩薩無量劫中  
所引菩薩正行智慧此比如來境界



百分不及一千分百分俱胝之分  
百俱胝分千俱胝分百千俱胝分百  
千俱胝那庾多分不及其一筭數計  
喻乃至鄒波尼殺曇分亦不能及佛  
子菩薩隨順如是智行不異如來身  
語意業不捨菩薩三摩地力而見諸  
佛承事供養一切中以一切種上妙  
供具如應供養無量諸佛而能具受



諸佛如來加持顯發轉更增勝於法  
界中所有問難善爲解釋無量百劫  
無量千劫無量百千劫無量百千俱  
胝那庾多劫無量俱胝劫無量百俱  
胝劫無量千俱胝劫無量百千俱胝  
劫無量百千俱胝那庾多劫無能屈  
者佛子譬如善巧金師以天眞金作  
大嚴飾大摩尼寶鈿廁其間自在天



王以嚴其首或繫其頸其餘天人莊  
飾嚴具所不能及佛子菩薩住此法  
雲地中亦復如是此之智行不可映  
奪一切有情一切聲聞及諸獨覺始  
從初地乃至九地一切菩薩所有智  
行皆不能及此地菩薩智慧光明能  
令有情乃至入於一切智智而以一



切餘智光明不可映奪佛子如大自在天王光明超過一切受生之處能令有情身心悅豫佛子菩薩安住於此第十法雲地者智慧光明亦復如是是一切聲聞及諸獨覺始從初地乃至安住第九地中一切菩薩智慧光明所不能及能令有情乃至住於一切智智法性之中佛子菩薩如是已



能隨順智慧而行諸佛世尊復更爲  
說通三世智法界差別智徧滿一切  
諸世界智照一切世界加持之智徧  
知一切諸有情類刹土法智舉要言  
之乃至爲說一切智智彼於十種破  
羅蜜多智到彼岸最爲增上餘到彼  
岸非不修行隨力隨分佛子是名略  
說菩薩第十法雲智地若廣說者假



使無量阿僧祇劫不可窮盡菩薩住  
此受生多作大自在天王於法自在  
能授有情聲聞獨覺一切菩薩到彼  
岸行法界差別問答之中無能屈者  
諸所作業或以布施或以愛語或以  
利行或以同事此等一切悉皆不離  
佛作意法作意僧伽作意菩薩作意



菩薩行作意到彼岸作意諸地作意  
佛力作意無所畏作意佛不共法作  
意乃至不離以一切種勝妙相應一  
切智智作意常作願言我當一切諸  
有情中爲首爲勝爲殊勝爲妙爲微  
妙爲上爲無上爲導爲將爲帥乃至  
願得一切智智所依止處若樂發起  
如是精進由是精進於一剎那瞬息



須臾得入百萬俱胝那庾多不可說  
佛刹微塵等諸三摩地能見百萬俱  
胝那庾多不可說佛刹微塵等諸佛  
彼佛加持皆能解了能動百萬俱胝  
那庾多不可說佛刹微塵等世界能  
往百萬俱胝那庾多不可說佛刹微  
塵等諸佛國土能照百萬俱胝那庾  
多佛刹微塵等世界成熟百萬俱胝



那庾多不可說佛刹微塵等有情住  
壽自萬俱胝那庾多不可說佛刹微  
塵等劫於前後際各入百萬俱胝那  
庾多不可說佛刹微塵等劫思擇百  
萬俱胝那庾多不可說佛刹微塵等  
法門示現百萬俱胝那庾多不可說  
佛刹微塵等身身身皆能示現百萬



俱胝那庾多不可說佛刹微塵等菩  
薩眷屬圍遶從此已上是諸菩薩有  
願力者由勝願故所有遊戲或身或  
光明或神通或眼或境界或音聲或  
行或莊嚴或勝解或所作此等乃至  
尔所百千俱胝那庾多劫不易可數  
佛子是諸菩薩十種智地悉皆隨順  
一切種一切智智漸現前故佛子譬如



從無熱池流出之水以四河口流注  
潤澤瞻部洲地無盡無竭復更增長  
乃至入海令其充滿佛子從菩提心  
流出善根亦復如是以大願流四種  
攝事充滿饒益諸有情界無有窮盡  
復更增長乃至入於一切智海令其  
充滿  
佛子是諸菩薩十地依因佛智而得



顯現佛子譬如依因大地十大山王  
而得顯現何等爲十所謂雪山王香  
醉山王裂窮山王神仙山王持雙山  
王馬耳山王持魚山王輪圍山王幢  
相山王妙高山王佛子如雪山王一  
切藥草種類出處是諸藥草採不可  
盡菩薩住在極喜地中亦復如是能



爲一切世間書論文頌明呪所依出  
處其諸世間書論伎藝文頌明呪說  
不可盡佛子譬如香醉大山王一切  
香類爲所出處於中諸香取不可盡  
菩薩住在離垢地中亦復如是能爲  
一切菩薩淨戒律儀行香所依出處  
以諸菩薩淨戒律儀行香無盡佛子  
譬如裂裂窮大山王純寶所成一切衆



寶種類出處於中衆寶取不可盡菩  
薩住在發光地中亦復如是能爲一  
切世間靜慮神通解脫等持等至所  
依出處以於一切世間靜慮神通解  
脫等持等至問答之中不可窮盡佛  
子譬如神仙大山王純寶所成五通  
神仙所依出處於中五通神仙衆會  
不可窮盡菩薩住在焰慧地中亦復



如是能爲一切於道非道殊勝智慧  
所依出處於一切道非道殊勝智問  
答中不可窮盡佛子譬如持雙大山  
王純寶所成一切藥义大神出處於  
中一切藥义大神衆不可盡菩薩住  
在難勝地中亦復如是能爲一切神  
通威力自在變化所依出處於諸一



切神通威力自在變化問答之中不  
可窮盡佛子譬如馬耳大山王純寶  
所成一切諸果種類出處於中諸果  
取不可盡菩薩住在現前地中亦復  
如是能為趣入演說緣起所依出處  
聲聞果證問答之中不可窮盡佛子  
譬如持魚大山王純寶所成一切大  
力龍神出處於中一切大力龍衆無



有窮盡菩薩住在遠行地中亦復如是能爲演說方便妙慧所依出處獨覺果證問答義中不可窮盡佛子譬如輪圍大山王純寶所成諸自在衆所依出處以自在衆不可窮盡菩薩住在不動地中亦復如是能爲引發一切菩薩自在問答所依出處於諸世間剖析問答不可窮盡佛子譬如



幢相大山王純寶所成諸大威德阿  
素洛衆所依出處以大威德阿素洛  
衆不可窮盡菩薩住在善慧地中亦  
復如是能爲一切世間流轉止息智  
行所依出處一切世間生問答中不  
可窮盡佛子譬如妙高大山王純寶  
所成大威德天所依出處於中諸大



威德天衆不可窮盡菩薩住在法雲  
地中亦復如是能爲如來力無所畏  
不共佛法所依出處於諸佛事示現  
問答不可窮盡佛子如此十種大寶  
山王同在大海所顯菩薩十地亦復  
如是悉皆同在一一切智智亦以一切  
智智所顯

佛子譬言如大海以十行相無映奪故



墮在海數何等爲十所謂漸次深故  
不共死屍而停宿故餘水入中捨名  
數故同一味故多珍寶故深難下故廣  
無量故大身種類所居處故潮不達  
越所立限故能受一切大雲之雨不  
厭足故佛子諸菩薩行亦復如是以  
十行相無映奪故墮大行數何等爲  
十所謂極喜地中引發大願漸次深



故離垢地中不共毀禁死屍停故發  
光地中世間假立捨名數故發慧地  
中以於諸佛不壞淨信同一味故難  
勝地中引發無量方便神通世間事  
用多珍寶故現前地中觀察緣起甚  
深理故遠行地中以廣無量妙慧決  
擇諸善巧故不動地中引發示現大



莊嚴故善慧地中如理通達其深解  
脫及世間行終不違越所立限故法  
雲地中能受一切諸佛法明大雲之雨  
無狀足故佛子譬如大摩尼寶若時  
超過十種寶性而乃採得善巧功匠  
以火炙治善圓無缺善淨離垢善瑩  
明徹善妙鑽穿貫以寶縷置吠瑠璃  
高幢之上普放一切種種光明王所



許可是時能雨一切衆寶隨欲攝益  
一切有情令其心願悉得充滿佛子  
當知薩波若心亦復如是若時菩薩  
大菩提心超過十種聖者種性而  
乃得起杜多功德遠離戒禁善炙  
鍊治靜慮等持等至圓滿道支行相  
善淨無垢方便神通善瑩明徹以緣  
起觀善妙鑽穿貫以種種方便慧纒



置於自在高幢之上觀衆生行放聞  
慧光正等覺智受灌灑已  
是時得名一切智者能爲一切諸有情界廣作  
佛事佛子當知此能積集諸菩薩行  
以一切種一切智智功德性聚妙法  
門品未種善根諸有情類終不得聞  
解脫月菩薩言唯佛子若有有情耳



根得聞此一切種一切智智功德性  
聚妙法門品此等成就幾所福聚金  
剛藏菩薩言佛子一切智智所有若  
干威力自在發一切智心攝緣故亦  
有尔所福德之聚發一切智心攝緣  
故所有若干福德之聚現前聞此妙  
法門品當得尔所福德之聚所以者  
何佛子當知此一切智智功德性聚



妙法門品若非菩薩不能得聞不能  
信解況復於中以修行相精勤加行  
佛子是故當知若有有情一心聽聞  
此法門品聞已信解解已受持以修  
行相於中加行此諸有情皆悉隨順  
一切智門

今時佛神力故法亦如故十方世間  
十俱胝佛刹微塵數世界皆悉六變



十八相動所謂動徧動等徧動起徧  
起等徧起踊徧踊等徧踊震徧震等  
徧震吼徧吼等徧吼擊徧擊等徧擊  
佛神力故法尔如故雨天華雲雨天  
變雲天妙衣雲諸天寶雲天莊嚴雲  
天寶蓋雲天寶幢雲天寶幡雲雨天樂  
雲其音和雅同時發聲雨起諸天讚



詠一切智地之雲如此世界於四大  
洲作化自在天王宮中演說此法十  
方一切諸世界中所說法聲普徧流  
轉悉亦如是

今時復以佛神力故從十方面過十  
俱胝佛刹微塵數諸世界外有十俱  
胝佛刹微塵數諸菩薩衆徧滿十方  
來集此會至此會已咸作是言善哉



善哉佛子汝今善能顯此菩薩法性  
佛子我等悉亦同號名金剛藏我等  
各各所住世界名金剛勝於中諸佛  
正等覺者皆亦同號名金剛幢我等  
各各從彼而來於彼一切諸世界中  
由佛神力亦說此法衆會悉等文字  
句義與此所說無有增減佛子我等  
今者承佛神力而來此會爲汝作證



十地經卷第九

第四

時

如今我等入此世界十方一切諸世  
界中一一世界於四大洲各於他化  
自在天中自在天王宮摩尼寶藏殿  
悉亦如是而往作證

尔時金剛藏菩薩觀察十方一切衆  
會普照法界爲欲讚歎發菩提心爲  
欲示現菩薩境界爲欲淨治菩薩行



力爲說攝取一切智道爲除一切諸  
世間垢爲欲施與一切種智爲欲示  
現不可思議智莊嚴事爲欲顯示一  
切菩薩諸勝功德爲欲令此如上地  
義轉更開顯承佛神力而說頌言

其心寂靜恒調順

平等無礙如虛空

離諸垢濁住於道

汝等應聽此勝行

百千億劫修諸善

供養無量無邊佛



聲聞獨覺亦復然

爲利羣生發大心

勤持淨戒常和忍

慙媿福智皆具足

志求佛智修廣慧

爲得十力發大心

三世諸佛咸供養

一切國土悉嚴淨

了知諸法皆平等

爲利有情發大心

初地已發菩提心

永離衆惡常歡喜

願力廣修諸善法

以悲愍故入後地

戒定具足念有情

滌除垢穢心明潔



觀世三毒火熾然  
三有一切皆無常  
獸離有爲求佛法  
念慧具足得道智  
常觀最勝諸功德  
智慧方便善觀察  
復供十力無上尊

廣大解者趣三地  
如箭入身無救護  
廣大智趣饒慧地  
供養百千無量佛  
斯則趣入難勝地  
種種示現救有情  
此能趣入現前地



世所難知而能知  
法性本寂隨緣轉  
智慧方便心廣大  
雖證寂滅勤修習  
蒙佛勸從寂滅起  
具十自在觀世間  
以微妙智觀有情  
爲欲化其令趣道

不受於我離有無  
由此妙智向七地  
難行難伏難了知  
能取如空不動地  
廣修種種諸智業  
以此而昇善慧地  
心惑業等諸稠林  
演說諸佛勝義藏



次第修行具衆善  
常求諸佛最勝法  
獲諸無數三摩地  
其後定名受灌頂  
菩薩得此後定時  
身量稱彼於中坐  
放大光明百千億  
復於頂上放光明

乃至九地集福慧  
以佛智水受灌頂  
皆善了知其作業  
住廣大境恒不動  
大寶蓮華忽然現  
同觀菩薩衆圍遶  
滅除一切有情苦  
普入十方諸佛會



十地經卷第九

第十六

時

悉住空中作光網

供養佛已從足入

即時諸佛悉知此

佛子合登灌頂位

十方菩薩皆來集

瞻此大士獲衆定

諸佛眉間亦放光

普照而來從頂入

十方世界咸震動

一切惡趣若銷滅

是時諸佛灌其頂

如轉輪王灌太子

若蒙諸佛與灌頂

是則名登法雲地



智慧增長無有邊  
欲界色界無色界  
有爲無爲空涅槃  
一切變化大威力  
祕密劫數毛道等  
受生捨俗成正覺  
乃至寂滅解脫法  
菩薩住此法雲地

開悟一切諸世間  
法界世界有情界  
如是一切咸通達  
諸佛加持微細智  
皆能如實而觀察  
轉妙法輪入涅槃  
及所示說皆能了  
具足念力持佛法



譬如大海受龍雨  
假使十方無量土  
悉得聞持陀羅尼  
菩薩住此法雲地  
名為三世法界藏  
由昔智願威神力  
靈甘露法滅煩惱  
神通示現徧十方

此地受法亦復然  
微塵數等諸有情  
各持別別無量法  
於一佛所所受法  
此過彼數無有量  
一念普徧十方界  
是故此地名法雲  
起出人天世間境



復過是數無量億

若以世智思必迷

十地菩薩身業等

至舉足量智功德

此乃登法太子位

九地諸聖不能測

何況一切諸羣生

及以聲聞獨覺等

此地菩薩供養佛

十方國土悉周徧

亦供現前諸聖衆

具足莊嚴佛功德

諸佛爲住此地說

三世法界無礙智



徧照世界有情等

乃至爲說一切智

此地菩薩智光明

能示有情正法路

如大自在天王光

除闇能悅有情身

此地智光能除闇

悅豫世間亦如是

住此多作三界王

善能演說三乘法

剎那能證百萬億

那庾多數不可說

剎土塵等三摩地

見佛等事餘亦然

此地我今已略說

若以廣說不可盡



是諸地於佛智中

巍然住似十山王

初地藝業不可盡

如雲山中諸藥性

二地戒香如香山

三如裂窮豐妙珍

餘慧道寶無有盡

如仙山中神仙衆

五地神通如持雙

六如馬耳具衆果

七地大慧如持魚

八地自在如輪圍

九無礙解如幢相

十如妙高具衆德

初地願首二淨戒

三靜慮等諸功德



四專一行覺支道

五地微妙方便慧

六地甚深緣起觀

七廣大慧八莊嚴

九地思擇微妙義

出過一切世間道

十地受持諸佛法

如是行海無盡竭

十行起世發心初

淨戒第二靜慮三

行淨第四成就五

緣起第六貫穿七

第八置在金剛幢

第九觀察衆稠林



第十法王授灌頂

如是德寶漸清淨

十方國土碎爲塵

可於一念知其數

毫末度空可知量

億劫說此不可盡

今時金剛藏菩薩摩訶薩以佛神力

說此經已如來應供正徧等覺稱許

印可彼諸一切菩薩大衆及諸天龍

藥叉健達縛阿素洛釋梵護世摩醯

首羅淨居天衆皆大歡喜信受奉行



時薄伽梵成道未久第二七日在於  
變化自在天王宮摩尸寶藏殿隨喜  
金剛藏菩薩所說  
菩薩法雲地第十竟

十地經卷第九